


## ՄՈՒՐԱԴ ՀԱՍՐԱԹՅԱՆ

Հատակագծային հորինվածքի հիմքում ընկած է հավասարաթև խաչը, որի չորս թևերը ներսում ավարտվում են աբսիդներով, իսկ դրսից ունեն ուղղանկյուն եզրանկար։ Միայն արևելյան՝ բնի խաչաթևեր դրսից բազմանիստ է (եռանիստ)։ Սակայն, ի տարբերություն քառախորան հուշարձանների, Սարակապի եկեղեցում աբսիդների միջև իրականացված են լրացուցիչ ծավալներ, որի պատճառով հիմնական՝ քառախորան հորինվածքի խաչաթևերը հեռացված են միմյանցից։ Կառույցի հյուսիս-արևմտյան և հարավ-արևմտյան անկյուններում այս լրացուցիչ ծավալներն ունեն մոտավորապես եռանկյան տեսք (ավելի ճիշտ՝ սեղանի և եռանկյան զուգակցման ձև), իսկ հյուսիս-արևելյան և հարավ-արևելյան անկյուններում այդ լրացուցիչ ծավալները հանդես են գալիս որպես անցում, նախամուտք դեպի բնի աբսիդի երկու կողմերում գտնվող ավանդատները։ Վերջիններս ուղղանկյուն են, թաղածածկ և արևելյան կողմում ավարտվում են կիսաշրջանաձև աբսիդներով։ Ավանդատների առկայության պատճառով Սարակապի հուշարձանը սիմետրիկ չէ հյուսիս-հարավ առանցքին։ Սակայն կարելի է ենթադրել, որ սկզբնական հորինվածքում ավանդատներ չեն եղել, այլ դրանք ալվեյացվել են XIX դ.

2 Նույն տեղում, էջ 54:

վերակառուցման ընթացքում: Այսպիսի վարկածի համար հիմք են ծառայում լրացուցիչ, հռանկյունաձև ծավալների մասնակի արտահայտվելը հուշարձանի հյուսիս-արևելյան և հարավ-արևելյան անկյուններում և խաչաթևերի երկարությունների հավասարությունը, որի հետևանքով ավանդատները դեպի արևելք զգալիորեն դուրս են բեմի աբսիդի արևելյան ճակատի հարթությունից: Հնագույն որմնախարիսխը տեղում երևում է մինչև ավանդատները և միայն մասնակի պեղումից հետո կարելի է պարզել՝ այն անցնո՞ւմ է հկեղեցու ներկա հորինվածքի ողջ պարագծով, թե՞ ոչ:



Նկ. 1. Սարակապի հկեղեցին հարավ-արևմուտքից:

Սարակապի հկեղեցին ունի երկու մուտք՝ հարավից և արևմուտքից: Այժմյան մուտքերը կամարակապ վերջավորությամբ ուղղանկյուն բացվածքներ են՝ երկու կողմերում պարզունակ իմպոստներով: Լուսամուտները սակավաթիվ են, սակայն բավական լայն: Եկեղեցու ներքին տարածությունը լուսավորվում է բեմի, հարավ-արևելյան անկյան և հռանկյունաձև ծավալների արևմտյան պատերում տեղադրված լուսամուտներով (մեկական նեղ լուսամուտ ունեն նաև ավանդատները): Հուշարձանը զուրկ է հարդարանքից: Ողջ պարագծով, նույն բարձրությամբ ընթացող քիվը բաղկացած է սոսկ կորագիծ վերջավորությամբ սալիկից:

Եկեղեցու հորինվածքի մեջտեղում քարձրացել է գմբեթը, որի թմբուկը հիմքում ութանկյուն է եղել: Գմբեթատակ ութանկյունը ստացվում է աբսիդների և հռանկյունաձև խորշերի անկյունների միջև ձգվող կամարներով: Սակայն այդ ութանկյունը կանոնավոր չէ, որը բխում է հյուսիսային և հարավային աբսիդների անկանոնությունից (դրանք հատակագծում ոչ թե կիսաշրջանաձև են, այլ՝ կիսաձվաձև): Պետք է ենթադրել, որ դա XIX դ. վերակառուցման ժամանակ աբսիդների կիսաշրջանաձև նախնական հատակագծերի աղավաղման հետևանք է: Գմբեթարդներով են ծածկվում ինչպես խաչաթևերի չորս աբսիդները, այնպես էլ հռանկյունաձև խորշերը:

Սարակապի հուշարձանի արտաքին տեսքը բխում է ներքին տարածական հորինվածքից և միանգամայն հարազատ է նրան: Ծռանկյունաձև խորշերը

դրսից ունեն նույն եզրագիծը, իսկ խաչաթևերը ոչ թե կիսաշրջանաձև են, այլ՝ ուղղանկյուն: Եռանկյունաձև ծավալները ստեղծում են լույս ու ստվերի ուժեղ խաղ և զգալիորեն աշխուժացնում հուշարձանի զուսպ արտաքին կերպարը: Այս նպատակին են ծառայում նաև դրանց և խաչաթևերի անկյուններում իրականացված փոքր, եռանկյունաձև կտրվածքով որմնասյուները, որոնք եղել են և նախնական հորինվածքում (այդ ելուստները արտահայտվում են նաև հնագույն որմնախարսխում): Խաչաթևերի անկյուններում նման ելուստների առկայությունը բնորոշ է վաղ միջնադարի հայ ճարտարապետությանը և հանդիպում են հատկապես փոքր խաչաձև գմբեթավոր եկեղեցիներում (Փարպի, Մփնի, Ջարնջա, Քարաշամբ, Արտաշավան):

Եռանկյունաձև լրացուցիչ ծավալների հիմնական նպատակը կառույցի ներքին տարածության ընդարձակումն է: Խաչաթևերի միմյանցից հեռացնելը հնարավորություն է տվել ներսում ստանալ բավական մեծ, առանց հենակետերի միասնական տարածություն՝ ծածկված գմբեթով (վերջինիս ներքին տրամագիծը հասնում է մոտ 8 մ-ի): Միաժամանակ եռանկյունաձև ծավալները լրացուցիչ կոշտություն, կայունություն են հաղորդում կառույցի ողջ ծավալատարածական հորինվածքին, դրանով իսկ բարձրացնելով նրա սեյսմակայունությունը: Ինչպես նշվեց, Սարակապի հուշարձանի հորինվածքի ստեղծման համար ելակետ է հանդիսացել վաղ միջնադարից հայ ճարտարապետությանը քաջ հայտնի քառախորան եկեղեցու տիպը: Հայաստանում V—VII դդ. նմանօրինակ հուշարձաններից են Մովսիսի Մորո ձորի վանքի ս. Աստվածածին, Տալթի Սբխեչ, Արզնիի ս. Կիրակի, Հոգեվանքի, Օշականի Մանկանոց ս. Սիոն, Փարպիի Թարգմանչաց, Ագրակի Ստեփանոս նախավկա եկեղեցիները<sup>3</sup>: Սակայն Սարակապի ս. Աստվածածին եկեղեցին իր հորինվածքով եզակի է հայ ճարտարապետության կենտրոնագմբեթ կառույցների շարքում: Այն առնչվում է միայն հայկական կենտրոնագմբեթ կառույցների մի այլ՝ բավական հայտնի Ավան-Հռիփսիմի տիպի հուշարձաններին:


Մշակվելով Հայաստանում VI դ. վերջերին, այս տիպը հետագայում լայն տարածում ստացավ, իսկ հայ ճարտարապետները և քարգործ վարպետները հռիփսիմեատիպ եկեղեցիներ կառուցեցին նաև երկրի սահմաններից դուրս<sup>4</sup>: Այս հորինվածքի հիմքն է գմբեթով պսակվող քառակուսի ծավալը, որը շորս կողմերում ունի հենախորշեր (տվյալ դեպքում խորաններ), անկյուններում՝ երեք քառորդ խորշեր, որոնցից իրականացվում է անցումը դեպի ավանդատները<sup>5</sup>: Հայաստանում VI—VII դդ. այդպիսի հուշարձաններից են Ավանի ս. Հովհաննես, Արամուսի Միրանավոր ս. Նշան, Էջմիածնի ս. Հռիփսիմ, Գառնահովտի ս. Գևորգ, Սիսիանի ս. Հովհաննես, Այգեշատի Թարգմանչաց, Զորադիրի ս. Էջմիածին, Արծվաբերի ս. Աստվածածին եկեղեցիները: X—XI դդ. են պատկանում Աղթամարի ս. Խաչ, Վարազավանքի ս. Աստվածածին,

<sup>3</sup> Վ. Գ. Գրիգորյան, Վաղ միջնադարի հայկական քառախորան հուշարձանները (ՀՍՍՀ ԳԱ «Լրաբեր», 1976, № 1):

<sup>4</sup> Տիրան Մարտիրոսյան, Ավանի տաճարը և համանման հուշարձանները, Երևան, 1976: Ս. М. Мурадян, Армянская надпись храма Джвари (ՀՍՍՀ ԳԱ «Լրաբեր», 1963, № 2): А. Б. Еремян, Храм Рипсимэ, Ереван, 1955: А. Б. Еремян, К вопросу о датировке кафедральной церкви в Аване (ՀՍՍՀ ԳԱ «Լրաբեր», 1969, № 3):

<sup>5</sup> J. Strzygowski, Die Baukunst der Armenier und Europa, t. 2, Wien, 1913 S. 470.

Քուլատակի ս. Աստվածածին եկեղեցիները: Այս հուշարձանների ճնշող մեծամասնությունը շորս անկյուններում ունի ավանդատներ, որոնք, արսիդնե-րի հետ միասին, ներգծված են հատակագծի ուղղանկյուն եզրանկարի մեջ: Սարակապի եկեղեցու հորինվածքը վկայում է, որ հուշարձանը Ավան-Հուրի-



Նկ. 2. Սարակապի եկեղեցու հատակագիծը:

սիմեի այն ենթատիպի զուգահեռն է, որը արևմտյան կողմում չունի ավանդատներ, իսկ խորանները (բացառությամբ արևելյանի) իրենց ողջ ծավալով շեղտվում են կառույցի արտաքին կերպարում: Այդպիսիք են Վասպուրականում գտնվող Զորագիրի և Աղթամարի եկեղեցիները (նորագույն ուսումնասիրությունները ցույց տվեցին, որ Այգեշատի Թարգմանչացը նույնպես արևմուտքում չունի ավանդատներ)<sup>6</sup>: Զորագիրի ս. էջմիածին եկեղեցում (VI դ. վերջ) ավանդատները բեմի երկու կողմերում են միայն, իսկ երեք քառորդ խորշեր իրականացված են զմբեթատակ քառակուսու շորս անկյուններում՝ հուշարձանի ներքին տարածությանը երկու գլխավոր առանցքների նկատմամբ սիմետրիկ լուծում տալու համար<sup>7</sup>: Աղթամարի ս. խաչը, կառուցված

<sup>6</sup> Տիրան Մարության, Նշվ. աշխ., էջ 93—100:

<sup>7</sup> Paolo Cuneo, L'église de Saint-Etchmiadzine a Soradik dans le Vaspurakan,

Զորադիրի օրինակով, դրեթե կրկնությունն է վերջինիս հորինվածքի (հաս-  
պուրականում նորահալա Արծվարերի եկեղեցին արևմտյան կողմում ավան-  
դատների փոխարեն ունի կամարակապ բաց սրահներ)<sup>8</sup>:

Սարակապի և Զորադիրի ճուշարմանների ճարտարապետական ձևերի  
հասնատական վերլուծությունը վեր է հանում նրանցում եղած ընդհանրու-  
թյունները և ասարերությունները: Ընդհանրություն նկատվում է ողջ մտա-  
հղացման մեջ. դմբեթակիր քառախորան հորինվածք՝ անկյուններում ընդար-  
ձակված լրացուցիչ ծավալներով, դեպի գուրս շեշտված խորաններով և արե-  
վելքում զուլճ ավանդատներով: Սակայն Զորադիրում գմբեթառակ քառա-  
կուսու անկյուններում իրականացված են երեք քառորդ խորշեր և ավանդաանե-  
րը արևելյան ճակատի հարթությունից դուրս չեն գալիս, իսկ Սարակապում  
լրացուցիչ ծավալները դրսից և ներսից եռանկյունաձև են և ավանդաաները  
իրենց երկարության կիսով չափ դուրս են արևելյան ճակատից: Ընդ որում,  
եթե Զորադիրում այդ ենթատիպը զարգանալու հնարավորություն ունի (արե-  
մտյան երեք քառորդ խորշերը հնարավորություն են տալիս այդ կողմում  
ավանդաաններ ավելացնելու), ապա Սարակապում եռանկյունաձև խորշերը  
փակուղի են և սենյակներ ավելացնել հնարավոր չէ:

Սարակապի եկեղեցու հորինվածքը ակնհայտորեն ավելի պարզունակ է  
և նախնական, քան Ավան-Հռիփսիմեի տիպի ճուշարմանների հորինվածքը:  
Լինելով դեպի այս տիպը տանող անցումային ձևերից մեկը, Սարակապի եկե-  
ղեցին նախորդել է հռիփսիմեատիպ կառույցներին, նրա թվադրումը VI դ.  
երրորդ քառորդով միանդամայն հավանական է և համապատասխան այս  
եզակի ճուշարմանի ճարտարապետական առանձնահատկություններին:

## ЦЕНТРАЛЬНОКУПОЛЬНЫЙ ПАМЯТНИК В САРАКАПЕ

МУРАД АСРАТЯН

### Резюме

В с. Саракап Анийского р-на находится уникальный архитектурный  
памятник, неизвестный в специальной литературе. Руины Саракапской  
церкви были обнаружены при земляных работах в XIX в., после чего она  
была основательно реконструирована с сохранением первоначальной  
звездообразной композиции. В основе последней лежит тетраконх, с до-  
полнительными треугольными помещениями. Архитектурно-художест-  
венный анализ позволяет датировать церковь св. Аствацацип Саракапа  
третьей четвертью VI века.

Revue des Etudes Arméniennes, V. Paris, 1968; Tommaso Breccia Frata-  
docci, The Church of St. Ejmiacin at Soradir, Roma, 1971.

<sup>8</sup> Michel Thierry, L'église arménienne de la Mère de Dieu d'Arcuaber, Ca-  
hiers archéologiques, XXV, Paris, 1976.